

感恩縣志卷之四

輿地志

物產

禽獸

鱗介

昆虫

蛇

禽類

鶴白色千歲變蒼又千歲則黑惟黃鶴最大青鶴頗小（羅浮志）又粵中少鶴惟瓊州則元裳縞衣丹頂其餘灰鶴居多又有簑衣鶴（郝志）

綠鳩似斑鳩而色綠自廣西來（嶺南雜記）百十爲群每七八月榕子熟則至

斑鳩匹鳥棲必以雙灰斑色頸細微紅有三種大者如鴿稍小者名火鳩每芝蔴刈時羅人置一爲媒網捕之又一種鶉鳩大如雌鷄俗名鷄母鳩

燕有三種乳於巖崖者爲土燕海燕大如鳩春回巢於石巖危壁營壘島人伺其秋去以修竿接鏟取而鬻之謂之海燕窩又有春巢於人家者子長則去其色烏身微長尾開合如剪

鸚鵡俗名鸚哥綠衣朱喙能自呼其名有飼之而能學人語者隴西俗名甘蔗鳥（府志）

翡翠廣志曰翡色赤翠色紺楊孝先異物志曰翠鳥先高巢及生子愛之恐墮稍下作巢子生毛羽益愛之又更下巢用點婦人頭飾色最鮮明俗稱廣翠（南越筆記）按縣屬翡翠色深碧腹

感恩縣志

卷四

物產

禽

一

海口海南書局承印

毳微紺近水而穴有一種名翠奴稍小色淡碧不鮮

鷓鴣楊孚異物志鷓鴣其志懷南不徂北（御覽）向日而飛畏霜露早晚希出有時夜飛則以樹

葉覆其背（古今註）其鳴輟輟格磔俗謂行不得也哥哥（本草綱目）按縣屬鷓鴣渾身灰斑毛多白點背無紫赤

秦吉了即名了哥嶺南有鳥似鷓鴣養之久則能言名吉了（通典）按了哥大於鷓鴣色深黑頗類之所異者夾腦有黃肉丹味耳

淘鵝卽鷓鴣一名逃河陽江人謂之水流鵝下水取魚頤下皮袋盛水二升許以養魚每淘河一次可充數日之食漁謠云水流鵝莫淘河我魚少你魚多竹弓欲射汝奈汝會淘河（南越筆記

火雞紅色嘴翅俱黑春夜先雞而鳴（府志）好食蛇每啄蛇眼不致死啣以衛其子

山雞愛其毛映水即舞魏武時南方獻之以大鏡置其前則舞不止（異苑）

瓦雀一名麻雀褐色小如雞雛巢於人家家有喜事則群鳴雨晴亦然又有大頭雀大于瓦雀巢於山叢本草瓦雀炙食益腎氣

雁嶺南無雁近間有之明時有雁集於瓊山學泮池邱濬爲之記按十一月卽有雁來渾身皆黑頸微白而長飛必成行故曰雁陣俗謂避寒而來三四月卽去

鵠顏師古曰鵠水鳥其聲鵠鵠本草鵠大于雁羽毛白澤其翔極高而足長善步喜佇立一日天鵠

啄木鳥雄斑雌褐惟食木蠹（府志）小如瓦雀嘴長三寸能啄木丁丁有聲

烏孝鳥也純烏而反哺者謂之慈烏頸白而不反哺者謂之鴉（府志）

黎母雀頭戴紅冠身具花縵如黎母禡故名黎母袴無襠謂之禡

番鴨似鵝而矮嘴足黃夾腦有紅肉梅綠鴨大如家鳧重三四斤肉香

水鴨即鳧鷖狀類家鴨

黃鶯一名黃鸝一名倉庚一名搏忝黃衣絢爛極有文采其音睨睨桑葚熟則至亦趨時之鳥

鵪鶉一名八哥形似了哥渾身黑色羽有白點好棲牛背俗謂五月五日剪其舌尖飲以辣椒則

能漸效人言

喜鵲形小于鴉而尾長身短吻尖爪黑背紺腹白上下飛鳴以感而孕以視而菴其鳴啾啾靈能

感恩縣志

卷四

物產

禽

二

海口海南書局承印

報喜故謂之喜鵲

子規一名杜鵑夜啼達旦啼苦則倒懸於樹清明時節多聞之

白面雞一名鴟鷂（府志）依水爲食身黑面白每當深夜鳴聲悽切

痛肚鳥鳴聲如人腹痛而呻故名

山鵲紫毛者多土人養以爲玩

海鳥夏秋夜驚飛土人以爲颶信（府志）

鷹褐色豐毛寡肉善飛喜掠雞雛

鷗在漲海中隨潮上下頗知風雲若群飛至岸渡海者輒不敢渡（府志）

鷄有數種烏肉白絲鷄最良小者爲土鷄大者爲廣鷄稍大爲苗鷄又有絨毛翠毛種類各異近

有從外洋傳來一種大如鵝頸翅尾毛皆稀肥者重四五斤

鵝有灰白二色長頸善鳴大者七八斤

鵠大於鳩脚紅色有灰色黑花各種目分水晶陰陽或粉或血或黃沙白者良屎可治色風

半天叫大如瓦雀而色斑黃出河邊沙坡及田間春令窟田塍爲巢一生三四子喜向日而唱有

半時之久當天朗日晴一飛一唱自下而上高唱入雲久之自上而下不絕如縷土人取其子畜以遣興

獸類

鹿俗名坡鹿形似山牛而稍小釋名山獸也埤雅仙獸也牡者有角角曲而多枝爾雅鹿牡爲麀牝爲麀子爲麀夏至角解白露後出角初出最柔嫩皮上有細毛白色茸茸繼精血滿足色轉紫映日紅如瑪瑙故名紫茸未幾卽老成角堅實如格木去毛切片研末或熬膠食之大有補益老角熬膠亦佳本草曰斑龍頂上珠卽此物也茸頭硬骨食之令人遺精縣屬中南區秦少鹿惟北區間或見之

麋說文鹿屬也俗名山馬形似水牛而稍小釋名澤獸也牡者有角角直而分枝爾雅牡爲麀牝爲麀子爲麀冬至角解初出茸毛與鹿較疎功力亦稍邇鹿補氣而麋補血

麋全麋鹿屬俗名黃麋牡者有角形似羊而角特圓長不踰二寸

豺狼屬深毛而狗足長尾白頰色黃狼似狗說頭白頰高前廣後（說文）牡曰狼牝曰羆（爾雅）

熊好扳援木而引氣故謂之熊經膽春在頭夏在腹秋在左足冬在右足當心有白脂如玉味甚

感恩縣志

卷四

物產

獸

三

海口海南書局承印

美俗呼熊白冬蟄不食饑卽舐其掌故好在掌（異苑）按熊有四猪熊狗熊馬熊人熊體同頭異馬熊特大而人熊未之見劉跂暇日記曰錢乙言熊胆奇藥佳者色通明如米粒用草蘸點入水轉如飛性急者佳能消毒去瘀傷（府志）

猿有三種金絲者黃玉面者黑純黑者面亦黑（虞衡志）形似猴而無尾兩臂甚長善嘯善援木而不能走又有通臂猿左伸則右縮右伸則左縮如貫通然土人以其臂骨爲箸可以驗毒感只有烏猿

猴埤雅說猴無脾以行消食猿之德靜以緩猴之德躁以囂按猴全體皆人形特有毛與尾耳性狡猾而淫一名曰狒狒

兔曲禮疏兔吐也明月之精視月而生故曰明視論衡云兔舐毫而孕及生子從口而出形似貓而耳大尾短喙尖唇縮喜視月人乘機捕之

狸有香狸貓花狸七架狸赤狸蛇狸數種感有臭狸白額狸（自爲雌雄）

獺似犬而口說毛細入水不濡善捕魚其以猿爲雌者挿翅山獺也出黎峒虞衡志云能解藥箭中箭者研其骨少許傳治立消（府志）

山猪卽野猪形如家猪但腹小足長毛色褐作羣行其肉多赤少白而味甜食之勝家猪（本草綱目）

牛有二種曰水牛曰黃牛俗曰沙牛

馬有紅白黑三種漢書地理志謂珠崖儋耳無馬與虎今則無虎而馬則遍地皆產矣

鼬鼠一名鼬鼠身長尾短能制蛇虺（本草綱目）今則紅鼻狸

山鼠形似鼠不能害稻穀（瓊山志）又一種名曰土鼠足矮行遲其氣最臭犬貓不捕穴墻壁而處

蓬尾鼠形大於鼠尾有毛長成寸腹紅身灰黑色能咬檳榔子或名毒鼠

豪猪身有毫管如棘刺黑本白端人逐則激刺以射人婦女以之爲簪能止頭癢除白屑（南越筆記）土人取其肚連矢曝乾能治痢

穿山甲四足而長尾週身有鱗鱗堅不如甲行則倒趾嗜食白蟻入藥能攻瘡毒

貓有黑黃斑白數種此乃家貓又有山貓產於深山金錢紋毛色微紅嗜食家雞山貓帶仔俗忌見之

感恩縣志

卷四

物產

獸

四

海口海南書局承印

豹狀如虎而小白面團頭其文如錢曰金錢豹如艾葉者曰艾豹性畏蛇淮南子云蛇令豹止物有所制也（府志）

狗有黃色白色黑色赤色數種每人家養以守夜防禦盜賊

鱗類

鰻魚領下有二小翅無鱗俗名麻魚又名土龍分鹹淡二種海鰻鈺牙大口肉有細刺淡水鰻肉細而肥大者如股能上山覓食土人伺其歸跟踪散以灰魚澀縮盤旋不能去因捉之味勝海

鰻

鱧魚大數十斤鱗厚如錢翅銳如刀

鯊魚種類無一皮有砂可礪物背有鬣腹有翅胎生有黑耳鯊錦鯊犁頭鯊青鯊小生鯊鋸鯊貓

鯊諸種或大數十丈能吞人者凡鯊之美在翅故魚翅上者爲遠近所珍

馬膏魚無鱗味甚美俗名烏魚

石首魚首有白石二枚瑩潔如玉一名黃花魚乾者卽鯊魚（本草綱目）

鱈魚一名鏡魚有烏白種身圓肉厚只有脊骨甚脆軟食無所棄

海豚生海中候風潮出沒形如豚鼻在腦上作聲噴水直上百十爲羣（陳藏器本草）

比目魚鱗細紫黑只一目相合乃行其合處半面無鱗爾雅所謂東方有比目魚不比不行其名

曰鰈是也俗名鞋底魚（府志）

烏鰡魚一名墨魚狀如算囊無鱗兩鬚長似帶腹下八足聚生口旁縮喙在腹下懷板含墨其骨名海鰔蛸

鰮魚類墨魚有鰔蛸骨而小薄故曰柔魚

鯽魚似鯉身扁腹大脊高肉薄又一種猶小名走水鯽苦肚鯽

塘虱魚黑色身滑無鱗頭堅而尾扁腮有兩刺捉者須防其傷府志載此魚穴處多聚蛇食涎捕者防之

鰻魚黃色多生田泥及塘水中似鰻而無小翅無鱗味甚佳

鯉魚有鱗貌若鯽其鱗味甚美陶宏景稱爲魚王子忌猪肝（參府志）

魴魚俗稱凡魚身扁銀白色肉多細刺味猶佳

金魚長二寸許黃紅色者鱗有金色尾展如扇分三四叉有白黑花數種可供盆玩

感恩縣志

卷四

物產

鱗

五

海口海南書局承印

魚虎一名土奴魚頭如虎皮如蝟有刺着人如蛇咬能化豪豬瓊人呼爲虎魚（參府志）

大肚魚扁如梭長二尺許背青肚白多刺味甚甜美（俗呼先刀魚）

鮪子魚一名野理類馬膏而小肉豐無刺可切爲膾

齋魚有細耳細鱗二種肥膩可食味稍帶腥

紅魚類鯉一名赤鬚魚鱗皆淺紅色作脯乾耐久而味厚商人每販運之

泥鰍魚俗呼鑽土大於指長三四寸多在泥中

斑魚似鯉而頭微圓身亦如之斑青色尾黑味亦甘美

鱧魚長大者名竅唇（府志）

黎母斑魚色青斑如黎婦面紋故名

黃規魚頭大皮縐多骨無刺味清甜宜羹有一種稍小曰花規齒利能斷物而胆毒食之殺人

竹葉魚長尺許鱗細肉薄俗呼千年瘦

黃魚長三四寸鱗細有刺而肉甚美吳史薛綜曰交州刺史朱符多以鄉人分作長吏強賦民黃魚一枚稻一斛（參府志）

翻車魚海槎餘錄云秋晚巡行昌化屬邑俄海洋烟水騰沸競往觀之有二大魚遊戲水面各頭下尾上決起烟波中約長數丈離而復合數次每一跳躍聲震里許詢於土人曰此翻車魚也間年一至此亦交感生育之意耳（府志）按翻車魚嘗見約大如車輪每成羣翻騰噴水有聲見則天變海發甚驗如上所言或有其大者矣

意斗魚身圓而黑微有斑點肉粗而味甚甜
海狗純黃色形如狗大如貓常羣遊背風沙中遙見船行則沒海漁以技獲之蓋利其腎也卽膾
肭臍（海語）

烘魚身圓有斑點與意斗同其尾叉而尖利刺人甚於蛇咬

沙毛魚色黑身滑與塘虱同腮有兩刺着人甚危

金鼓魚色斑花成圓點有刺如魚虎着人瘡不可當故土人有一烘二虎三沙毛四金鼓之諺
帶魚形如裾帶色白如銀肉細膩味甜（參黃通志）

偶魚俗呼賣仔魚（府志）

介類

感恩縣志

卷四

物產

鱗介

六

海口海南書局承印

龜爲介蟲之長山居者甲朱殷而小水居者重不過十餘斤板入藥尿宜染鬚髮治啞聾以鏡照之見影則淫發而尿出或猪豪刺鼻亦出

鼈無裾而頭足不縮者食之令人昏寒黃著吳藍煎湯服立解（圖經）爾雅云三足爲能食之殺人又朱鼈生南海大如錢赤如血

龜似鼈而大以鼈爲雌故曰龜鳴鼈應俗名團魚廣州稱山瑞能補人縣屬多生內黎潭中

瑋瑋狀類龜龜而殼稍長足有六後二足無爪背鱗十三片黑白斑文相錯而成用作器則煮之刀切如意治以鮫皮則瑩滑俗所稱十三鱗者是縣屬多生又有名玳瑁云

蛤生海中一爲蛤蜊白殼紫唇大二三寸其肉可充海錯（俗稱白螺）一爲文螺背有紫斑一爲

魁蛤文如鋸齒統名海蛤殼入藥爲蛤粉

宋徽宗寵妃病痰嗽面腫不寐李防禦治不效當誅技窮泣忽聞市人賣嗽藥李市之併三貼以進妃服卽效帝賚萬金後詢知爲蛤粉加青黛麻油數滴調服

寄居蟲如螺形如蜘蛛本無殼入空螺殼中戴以行觸之縮足如螺閉戶火炙乃出走始知其寄居也（南州異物志）

牡蠣附石而生硯礪相連如房故曰礪房一名蠔生海畔如拳石漸長有一二丈者每房有肉一塊潮來則諸房皆開小蟲入則合之以充腹殼可砌牆王阮亭竹枝詞曲院深深牡礪牆是也鱉魚狀如便面眼在背上口在腹下其血碧皮殼甚堅雄小雌大雌常負雄而行故號鱉媚又廣志云鱉子如珠粒出爲鱉者什二三餘多爲蟹爲蟬蝦

田螺生淡水田殼甚薄而圓紋旋如蝸牛殼性冷味甜又河中有香螺殼亦如田螺而小如小指尾取鹽水炒之針出其肉甚香美

蟹有青蟹大如碗肥者殼青如染有扁蟹有花蟹皆瘦有和尚蟹螯方而長味美有紅螯蟹一螯獨大俗名紅拳蟊卽古今註之擁劍蟊蜺也時張二螯於穴口見人則縮入穴走甚疾搗以爲醬香甜有味有走馬蟹小白緣沙而食其走如風有田蟹大僅如杯時出害苗

生牛螺大如杯殼光且厚尾尖而旋紋肉皆厚美又有尖尾螺生淡水中者較長大殼皆有旋紋擊斷其尾吸可出肉又有鴨母螺圓小味遜海螺甚多有白螺有青螺

蝦有數種美且大者曰角蝦身具五采者曰龍蝦土人每解其甲而懸之以爲玩甜且軟者曰白蝦其小蝦苗可爲醬曰蝦鮓

感恩縣志

卷四

物產 介 昆虫

七

海口海南書局承印

海龜似淡水龜而大極滋陰

昆蟲類

蠶鄉貢八蠶之綿（左思吳都賦）南粵有三眼四眼兩生七出者其繭有黃白二色（本草綱目）

按縣屬只織吉貝絕少養蠶固無詳攷

蜂有八種惟蜜蜂有君臣之義作蜜益人外有排蜂黑蜂黃蜂哀蜂道璧蜂火筒蜂青盲蜂（府志）按蜜蜂俗稱蠅蜂不螫人蜜醉則螫每逢晴日群飛而過土人握塵撒之隨塵下聚擇其大者名蜂王用髮繫之貯以葫蘆群蜂隨入置之園樹間或僻處數月而蜜成矣排蜂俗稱馬卵蜂亦能釀蜜螫人最猛持火可免有葫蘆蜂土蜂不能爲蜜取其巢牌蒸之可得黃蠟

蛙一名田雞腿長善跳有青蛙金線蛙之名土人篝火呼之可獲（俗名印枉）三月三日農民聽其聲卜水旱諺曰田雞聲啞田好稻把田雞聲響田好蕩槩唐人詩云田家無五行水旱卜蛙聲蓋不誣也（府志）

蛤一名蝦蟆有山蛤田蛤山蛤棲樹上時垂懸沫旱久則鳴其聲桀桀田蛤產田間皮斑脊有白條貫頂食之愈痢更有一種背多疖磊是名蟾蛤又稱癩蝦蟆皮肝有毒食之殺人取皮上垢

研末名曰蟾酥可入藥材又將其浸醋敷瘡能拔毒

蚋蟻類黃色俗名黃馬蚋善足喜咬人王荆公詩黃狗臥花心卽指此海棠及密果樹上最多織樹葉爲房生卵白軟多化爲蜂房衣可醫皮膚患

薑尾有針俗名曲尾通俗文云薑長尾謂之蠹生枯木皮中及人家屋壁尾能螫人用蝸牛雄雞涎汁塗之卽解（府志）

蛭俗名牛蜞又稱螞蝗生穩水中好吮人血最耐死用之合藥可以接骨在山者曰山蜞深山有之在地者緣股而上在樹者雨墜而下咬人猶甚於蛭飢時形細如毛吮血飽則肥大火薰則落

雷公馬小者灰色無鬣大者頭紅身黃有翎似馬多在樹上大小皆有細鱗

山馬似雷公馬俗名雷穴土而處驚蟄始出交冬則封其穴而處饑食其尾尾有小鱗炙食可治孩兒瀉症

蛺蝶一名野娥薯地中結蠶蟲所化爲色不一俱艷麗可愛俗名飛校

蜘蛛長脚者名蠶子有大小二種小者能結網大者織包卵子包大如錢

感恩縣志

卷四

物產

昆虫

八

海口海南書局承印

蝙蝠狀似鼠肉翅能飛晚出捕蚊其屎卽夜明砂喜穴屋瓦內土名曰飛鼠

蝸牛俗呼山螺說文有殼曰蝸牛無殼曰蛞蝓皆頭生兩角蝸戴殼而行時吐涎篆紋在牆壁間性能解毒

土蟲形如管生於港泥中土人挖取之倒穿去其腸色白如銀一沸便熟甚甜美

蜈蚣俗呼牙功足繁戰國策百足之蟲死而不僵以其扶之者衆也卽此物咬人用山螺搗水塗之立效（合璧事類）宗奭又云有被螫者以烏雞屎或大蒜塗之卽愈

螺贏形類蜂赤黑色大小數種酷似螟蛉

蚱蜢蟬類一名蝗色甚多種皆不能鳴後有兩大足伸屈如人而脛有刺能踢人小禾熟附稻上者爲稻蝦小而青無翅者曰掛子有時多蝗卽食稻爲害甚烈

蟋蟀詩斯螽莎雞皆一物隨時而異其名此卽俗名爲土狗也

螳螂俗呼挑油公似蚱蟬而足長無翅有兩臂人觸之拱二臂而舞語云螳螂奮臂以當車誠然桑螵蛸卽螳螂子生桑上可入藥

竹節蟲有綠枯二種身長三寸小如草管具有六足小而長視之如竹節混草中不能辨牛誤食

立脹死用草蔴油解之效土名斷腸

蟬色褐大翼中有小翼鳴以此淮南子蟬無口而鳴飲而不食俗云尿入目卽失明其殼卽蟬蛻
蜻蜓一名蜻蛉埤雅云蜻蜓飲露六足四翼其翅輕薄如蟬盡取蚊蟲食之遇雨卽多好集水上
欸飛

螢尾有火光秋天雨後暮夜則見語云腐草爲螢理或然也

蟻類甚多不外紅黑白三色紅者稍大黑白者次之白蟻穴土中含土附牆壁而上書籍衣服木
器等件皆能蝕壞又一種曰顛蟻其走甚疾

蠅虎似螞子而小脚短灰色善捕蠅

蛇類

蚺蛇大者能吞鹿豕有二膽一在腹中一在膚裏遇人擊傷膽卽至傷處護之故耐擊不死人遇
刑服其膽不致傷命明史楊椒山受杖有遺以蚺蛇膽者曰椒山自有膽可爲明證府志載蛇
性淫喜逐婦人必解裾投之乃絞裾不去殆難証實惟俗傳蛇頭上有一王字而懼柞木（俗
音）誤觸之必軟伏在地任人所捉

感恩縣志

卷四

物產

昆虫

九

海口海南書局承印

簸箕甲黑白相間又名好（平聲）色毒冠諸蛇咬人輒死

青蛇府志稱青竹標生子必當大道車輾破腹子始出每依樹上咬人輒腫

秤星蛇小如指渾身星點密佈與秤管無異

雙鉗蛇渾身皆頸下有橫紋白二條者爲雙鉗一條者爲單鉗有毒咬人無死必爛

水眠蛇多在田野間身黑而大咬人無毒土人每烹之

過山眠蛇身黑腹黃多在樹上土人每以爲食謂可治風癘

布刀蛇褐色有四足而長尾多居水中生子時偶遇之則標人

牛索蛇深山乃有身長行則蜿蜒如索故名

四脚蛇小如指而生四足多居土中螫人最毒土人挖見之者輒以爲不祥

佛蛇俗名益仔蛇時盤旋籬落菜畦間好吞蛤無大毒

兩頭蛇如小指長尺許腹下鱗紅背錯錦文一頭有口眼一頭似有口眼兩頭俱能進退見者以
爲不祥名苑云一名越王約髮（府志）